



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola III. Gregorii Papae I. Ad Ioannem Abbatem. De Bonifacio
praeposito, de tunica sancti Ioannis, de causa Floriani, de cura animarum,
de hospitibus, & de pauperibus.

urn:nbn:de:hbz:466:1-15221

EPISTOLA III.

GREGORII PAPÆ I.

AD IOANNEM ABBATEM.

De Bonifacio præposito, de tunica sancti Ioannis, de causa
Floriani, de cura animarum, de hospitibus,
& de pauperibus.

Gregorius Ioanni abbati.

PE TIT dilectio tua, vt frater Bonifacius in monaste-
rio tuo a te debeat ordinari præpositus: quod ego val-
de miratus sum, quia ante factum non est. Nam ex quo il-
lum tibi dari feci, iam eum ordinare debuisti. De tunica
vero sancti Ioannis omnino grata suscepisti, quia solicitus
fueristi mihi indicare. Sed studeat dilectio tua mihi ipsam tu-
nicam, aut quod melius est, eundem episcopum, qui
eam habet, cum clericis suis, & cum ipsa ad me transmit-
tere; quatenus & benedictione tunica perfruamur, & de
eodem episcopo vel clericis mercedem habere valeamus.
Causam vero, quæ cum Floriano vertitur, incidere volui,
etiam ei vel octoginta solidos mutuos dedi. Quos ille cre-
do disponit sibi pro monasterii debito recompensari, &
omnino volo eamdem causam decidi: quia Stephanus
chartularius dicitur imminere, vt eam prædictus Floria-
nus in publico transferat, & graue nobis est cum publico
litigare. Vnde necesse est nobis aliquid cedere, vt possi-
mus eamdem causam ad compositionem perducere. Quod
dum factum fuerit, dilectioni tuæ, Deo auxiliante, nun-
tiabimus. De fratum vero animabus omnino esto solici-
tus. Sufficiat iam quod opinio monasterii per vestram
negligentiam inquinata est. Non frequenter foras egre-
diaris. In causis istis procuratorem institue, & tu ad lectio-
nem atque orationem vaca. De hospitalitate esto solici-
tus: quantum potes, pauperibus largire: ita tamen vt ser-
ues quod Floriano restitui debeat. In ipsis autem fratri-
bus monasterii tui quos video, non inuenio eos ad lec-
tionem vacare. Vnde considerare necesse est quantum pec-
catum est, vt ex aliena oblatione Deus vobis alimoniam
transmiserit, & vos mandata Dei discere negligatis. De
sex vero vniuersitatis domus, si authenticam chartulam non vi-

Ioan. diac.
lib. 3. c. 69.

demus aut exemplaria, nil possumus facere. Sed Florentino Dei famulo præceptum transmisi, vt si ei veritas constiterit, easdem sex vncias vobis restituat. Quibus restitutis, reliquas sex vncias aut in emphyteosim damus, aut in redditus commutamus.

EPISTOLA IV.

GREGORII PAPÆ I.

AD BONIFACIVM EPISCOPVM REGIENSEM.

De humanis laudibus vitandis.

Gregorius Bonifacio episcopo Regiensi.

QVIBVS DAM venientibus agnoui fraternitatem tuam misericordiaæ operibus vehementer insistere, atque ^{1. Thess. 3.} omnipotenti Deo gratias retuli, quia iuxta egregii prædicatoris vocem, nunc viuimus, si vos statis in Domino. Sed illud, fateor, non leuiter mentem meam momordit, quod eadem opera multis vobis nuntiasti: ex quare collegi quod mens vestra non studeat Dei oculis, sed humano iudicio placere. Vnde necesse est, frater carissime, vt cum bona exterius agis, hæc interius cum magna cautela custodias: ne appetitus placendi hominibus subrepatur, & omnis labor boni operis incassum fiat. Nos enim qui sumus, quibus placeri ab hominibus queritur? Quid namque aliud quam puluis & cinis sumus? Sed illi tua fraternitas placere desideret, qui & non longe est, vt appareat, & omne quod retribuerit finem nullo modo habebit.

Mense Octobri, indictione undecima.

EPISTOLA V.

GREGORII PAPÆ I.

AD PETRVM SVBDIACONVM CAMPANIAE.

De violentiis laicorum reprimendis.

Gregorius Petro subdiacono Campaniae.

SIC VTR in iudiciis laicorum priuilegia turbare non cupimus, ita eis præiudicantibus, moderata te volumus auctoritate resistere. Violentos namque laicos coercere non contra leges est agere, sed legi ferre subsidium. **Quia** igitur